



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDXLIX.

urn:nbn:de:hbz:466:1-42840

Deiparæ dedicato, vel adoptari, vel religioso Sacramento authorari: id quod ego in me ipso sum expertus, cum in Assumptæ Deiparæ die DEVS me in Societate inter iuratos Deiparæ cæli Augustæ seruos censere dignatus est; quo etiam die primi Patres idem in montē Martyrum olim coram DEI Matre præstiterant Sacramentum: quæ cogitatio me iam tunc impensè recreabat. *Ipsam sequens non deuias, ait laudatus supra Bernardus, ipsam rogans non desperas; ipsam cogitans non erras. Ipsa tenente non corruis: ipsa protegente non metuis: ipsa duce non fatigaris: ipsa propitiâ peruenis.* Quæ omnia pulcherrimè dici possunt de illa quam à DEO per illam speramus, in suscepto religiosæ vitæ curriculo constantiâ

ANNO M D XLIX.

79 Societati Goam lib. 3. epist. 5. scribens Xaue-
rius: Inuito, inquit, Nauarcho, nautis, ipsoque diabolo (qui sæpè Xauerio minitans denunciabat, venisse tempus vlciscendi doloris sui) Iaponium cursum tenuimus. Ita ad has regiones tantoperè à nobis exoptatas, DEO aspirante peruenimus, ipso die B. MARIE in celum Assumptæ sacro anno 1549. An non benè dixit proximè Bernardus: *ipsa propitiâ peruenis?* Benè illam salutat Ecclesia: *Aue Maris stella.* Hac propitiâ per iuuatum mare eò quò tendebat penetrauit Xauerius.

80 Magna in spe sum, scribit lib. 3. epist. 5. Xaue-
rius, diuinam nobis opem non defuturam: quippe cum nostris diffisi viribus spem omnem in CHRISTI Domini vi ac potestate summa, *sanctissimæque eius Parentis, Angelorum omnium, ac præsertim Michaelis Archangeli, Præsidis Ecclesiæ militantis, patrocinio defixerimus.* Et certè valet plurimum sui nimiam fiduciam planè exuere, ac tenerum spei sensum erga

Dico Assumpt. B. V. pie colere.

Fiduciam in B. V. collocare.

erga DEVM, DEIQUE Matrem sapientis instaurare. Ita fiet vt quæuis occasio in beneficij loco ponatur. qualis fuit illa hoc eodem anno Romæ, cum Ioanni Crucio Domus Professæ, magnâ planè egestate pressæ, obsonatori propè ædem Beatissimæ Virginis ad Minerviam (quæ ipsa res auxit fiducia suauitatem) iter habenti, benè manè ignotus quispiam ex improviso dedit aureos circiter septuaginta; opportunum, & quasi è manu Deiparæ, vt credere licet, acceptum donum. Ego, inquit Beatissima Virgo apud S. Ioannem Damascenum, ego ijs qui ad me confugiunt, ciuitas refugij. accedite, & gratiarum dona affluentissimè haurite.

Orat. 1. lib.
92. qm. 5.

Orat. 2. de
A. B. V.

81 Aiunt, à Lusitanis olim abscissas hostium, dexteras dijs in sacrificium datas. Nobilius id fecere hoc anno aliquot è Societate Lusitani, qui suas, non alienas, manus D. B. Matri dedicauere. Nam Brasiliam ingressi, cum populus suas quiuis domos moliretur, Patres (verba refero Orlandini n. 92.) quibus antiquior erat cura boni communis, atque diuini quàm priuati, atque terreni, suis orsi sunt manibus ac laboribus in MARIA Virginis adiutricis nomine templum extruere: cuius in ædificium ipsimet suis humeris aquam & ligna, cæteramque materiam proximis è montibus baiulabant. Felices profectò manus, & humeri tam pretioso labore distenti. Dedicemus manus nostras, id est, labores nostros illi cui S. Bonianentura canebat: *In manu tua salus & vita consistunt, latitia perpetua, & aternitas gloriosa.* Illi aternitati laboremus, & velut gloriæ templa condamus.

Labores
nostros B.
Virgini
dedicare.

Pl. 77.

Alios per
B. V. rogare
vt pro
nobis o-
rent.

82 Cum non pauci sint qui in rebus pijs vehementer sentiunt se perurgeri, si Beatissimæ Virginis nomine interposito audiant aliquid à se peti, cum

item

lib. 2. ep. 3.

in Assump.
serm. 4.

item ea quâ ab alijs DEO & DEI Matri commen-
dari petimus modestia pretiosa sit in conspectu DEI;
nec hic Deiparæ colendæ modus est omittendus.
Tamet si verò sit quotidianus, pretium tamen accipit
maius ab exemplo in hæc verba Societati Romam
scribentis Xaverij: Vos ego, Patres, Fratresque
charissimi, per CHRISTVM IESVM rerum omnium
Dominum, per Sanctissimam eius parentem, per cæle-
stes ciues, qui æternâ gloriâ fruuntur, oro, quæsoq;
vt mei memores assidue, pro me summo studio de-
precemini DEVM. videtis enim profectò quanto mi-
hi præsidio opus sit. Et lib. 3. epist. 5. hoc anno
scriptâ: Deprecatoribus vtendum est omnibus So-
cietatis nostræ hominibus, ac studiosis, vt per eos
vniuersæ CHRISTI Domini nostri sponsæ sistamur,
quam sua nobiscum merita innumerabilia commu-
nicaturam confidimus, nosque sponso suo, eidem-
que Patri nostro IESV CHRISTO, eiusque sanctissimæ
Parenti commendaturam. *Sileat* (verba sunt Bernar-
di) *sileat misericordiam tuam, Virgo beata, si quis est qui
inuocatam te in necessitatibus suis sibi meminere defuisse.*
Si tanta est Bernardi de B. Virginis misericordia,
opinio vt hæc dicere audeat, quidnam spei nobis
debet accrescere, si non ipsi solum orauerimus, ve-
rùm & alios ad petendum habuerimus idoneos ad-
iutores?

ANNO MDL.

83 Cælestes illæ ephemerides Ignatij manu,
Hispano sermone conscriptæ, ab Ignatio cultum
Deiparæ omnem relatum ad cultum DEI sensu ma-
gno, & fructu luculento abundè testantur; idque
ferè in hæc verba, vt ex Hispanico ipsius Sancti Pa-
tris primo chirographo licuit interpretari: Pri-
mo die (qui erat feria 3.) ante sacrificium, &

in